

ЛОВЬЯ КЫВ

2010 вося лэддза-нонъя 30 лун

1 (29) нелас



Том гижысьяслөн Гожся университетлы – 10 во



**Анастасия Ветошкина,
Висер сикт, Корткерос район**

* * *

Ме тайо гожом быттьо мойдын ола,
Од аддзи олөмысь меддонатор.
И сөмын воштыны тай сийос пола,
Од лолой кыптö, паныдасям кор.

Быд лун и вой ме ськөд быттьо район,
И некод меным сы кындзи оз ков.
Но лөк пö, мый тi аддзысинныд майын,
Оз ло пö тiян некутшом любов.

Да кодi вермö шуны татшом лөктор,
Да нöшта кисьтны мян костö сов?!
Ми лоам öтла-н, ставыс лоö сакар,
И радейтом пыр шонтас мян лов.

* * *

Кор мелi шондi лымсö нюлис,
Да гарьяс мыччалисны ныр,
Би-сьолөм муслун ордö нуис
Да ськөд кöсийс лоны пыр...

* * *

Зараваа тулыс локтiс öшинь улö,
Шондi ывла-сь лымсö бара горша нюлö.
Кодкö шуас: «Гажа! Кутшом кыпид ывла!»
Сöмын милöй вöсна сьолөм косьмö нывлөн.
Мунiс сьлөн муслун аймунысö видзны,
Кöсийисис бөр локны, корис:
«Сöмын виччысь...»
Кутлiс бөрдьсь нылос, да мунiс ыли карö...

* * *

Синмөн видзөдны ог вермы тэнö!
Мыйла?
Да сы вöсна, мый дойдiн менö сэк!
Но паныдасиг сьолөмö пыр лыйлө.
А, гашкö, да и радейта на век...

* * *

Кагук, шондi, зарни кодзув,
Мус комок да шöвк тупыль!
Тадзи менö сöмын шуан,
Гашкö, радейтан на збыль?..

* * *

Коркö лоас сiдзи, мый мирыс лоö рай,
Но мортыс тайö кадсö пыр ылысмöдö тай:
Век зыксьö, пурсьö,
вензьö да тшыкөдö вөр-ва,
Но ньöти тай оз мөвпышт,
Мый ковмас овны на...

**Илья Тарабукин,
Кулөмдин сикт**



Коркö менсьым воча вокöй, кодi олö Нева
ю бокин, юалис: «А эм-ö коми мортлөн аския
луныс?»

«Дерт, эм! Ме нö кодi тэ водзын?»— шен-
зигмоз вочавидзи ме. Талун унаон нин ракаяс
моз кравзöны, коми кывйыс пö кулö. Но тайö
абу сiдз. Коми кыв вуджис уна нэм нин да и öнi
ясыда юргö му вылын. Öд коми мортыс кö
лоö, – и кывйыс оз кус! Эмöсь на пиын водз-
мöстчысь йöз, кодъяс Москваын ли весиг Ев-
ропаын нимöдöны коми войтырсö!

Лыддьян художествоа гижöд да пыр на и
шензян, кутшом авъя, кывкутысь, уджач, ки-
подтуя коми мортыд. Илья Ошлапов, Федя
Мелехин, Конö Семö, Öльöксан – «Воййив ту-
рун, еджыд дзоридза» повесьтысь герой – найö
и отсалöны ичöt на коми мортыслы кывны ас-
сьыс донсö, коланлунсö, торъялөмсö.

Коми мортыд ёна мырсьö, медем шедöд-
ны асьыс аския лунсö, сийö оз пөжöсьт ась-
ыс ловсö. Конö Семö пыр велөдлiс Генегейос
коми олөмысь босьтом кывйöзъясөн да
шусьөгьясөн. Сiдзи и батьöй менö туйдöдö.
Сийö быттьö тшöтш лыддьывлөма Геннадий
Юшковлысь «Конö Семö» висьтсö да дольö
меным: «Коми дядьöйд вöчас кö, – вöчöма лоö.
Кык пөвста уджтö сийö эз уджавлы»; «Морт ним
кö новлан, нинөмла няйтöсь бөж дорөн овны». Батьö
өд менам кутшöмакö сийö жö Конö
Семöыс, кодi велөдö менö овны. Ме пытшкö
сийö йиджтiс коми этшсö, чужтiс коми морт до-
рас, кыв дiнас крепыд муслунсö.

Коми мортыд нэмсö велалöма аслас
уджөн шедöдны бур олөмсö. И Геннадий Юш-
ковлөн «Часовня» висьтысь Варö Васька, и
Иван Тороповлөн «Гымöбтiс керка шöрын» по-
весьтысь Викень да, пöзьö шуны, литература-
ысь став кывкутана геройыс вöчöны асьыс
олөмсö асьныс, мырсьöны и велөдöны мянös,
кутшöмөн колö кывны асьсö коми мортлы.

Ми рочьяс моз огö виччысьöй зарни че-
риос, кодi эськö ставсö вöчас ми пыдди. Коми
мортыдлы пыр дона аслас кывйыс, вөр-ваыс,
рöдвуж пасыс. Коми мортыдлөн аския луныс,
дерт, ас саяс и та вöсна сийö зильö.

«Вокöй, тэ сайын кö роч мортлөн аския лу-
ныс, ме сайын, дерт, – комиыслөн!» – тадз ме
вочавидзи аслам воча воклы.

Анна Макарова,
Шойнаты сикт, Корткерӧс район

Бӧрӧ
колины
Ыджыд

Победалы


сиӧм лунъяс. Ставӧн
сьӧлӧмсяньыс дасьты-
сисны сы кезлӧ, ӧд
сэтшӧм сьӧкыда шедис
миян странаса войтырлы
тайӧ дыр виччысяна
Вермӧмыс. Ми, том йӧз,
тайӧ война йывсьыс
тӧдам сӧмын небӧгъ-
ясысь да киноысь.
А Победасӧ дорысь ветер-
раныс пыр этшаджык и
этшаджык кольӧ.

Миян сиктын татшӧмыс
олӧ нель морт: Клавдия Афа-
насьевна Королёва, Сергей
Лукич Куликов, Иван Ивано-
вич Савельев, Алексей Сер-
геевич Латкин. Нӧшта квай-
тымын гӧгӧр морт мырсис
тылын, найӧ эз жӧ этша
вӧчны, медым матыстны По-
бедасӧ. Ӧд ставӧн олісны
ӧти лозунг серти: «Ставыс
фронтлы, ставыс Победа
ради!»

Тылын ӧти уджалысь
йылысь ме и кӧсья висьта-
выны.

Василий Алексеевич Па-
нюков 81 арӧса нин, но та
мындасӧ он на сет: тэрыб
вӧраса, збодер, серамбана.
Сыкӧд позьӧ кузя да интерес-
нӧя варовитны.

Чужлӧма Василий Алек-
сеевич Нёбдін сиктса Пар-
керӧс грездын. Семьяс
вӧлӧма медыджыд пиӧн, та
вӧсна гортгӧгӧрса уджыд
сылы торйӧн нин вичымыв-
лӧма. Видзлӧмаӧсь скӧт,
вӧдитлӧмаӧсь муяс – став
крестьянскӧй уджыс Алексе-
евичлы ичӧтсяньыс тӧдса. А
ещӧ на ӧд и ичӧт чой-вок
бӧрсяыс колӧ вӧлі видзӧдны.
Сизим арӧса зонкалӧн тайӧ и
вӧлӧма медшӧр уджыс.



Война пансьӧм йылысь
Василий кылӧма радио пыр.
Нёбдінад сэк радиоыс гоз-мӧд
нин вӧлӧма. Василий велӧд-
чӧма витӧд классын. Дерт, зэв
шог юӧр войнаыд, но некод абу
шыбитӧма велӧдчӧмсӧ. Абу
эновтчӧмаӧсь олӧмсьыс,
мӧдарӧ – ёнджыка на сыӧ кут-
чысьӧмаӧсь. Шӧркодь арлыда
челядьыс ёна отсасьлӧмаӧсь
гырысьяслы. Кызкӧ быттьӧ
другӧн верстяммӧмаӧсь. А
мынтысьлӧмаӧсь трудодень-
ясӧн: кымын лун уджалан – сы
мында «бедь» и пасьясны.
Овлӧ пӧ вӧлі, мый луннас 1,5
трудодень вӧчан, старайтчан
да. Война кадад челядьтӧ шко-
лаад омӧля жӧ вердлӧмаӧсь,
капустаысь шыд пӧ быд лун
вӧлі сетӧны. Сійӧс пӧ и ыр-
ким. Няньтӧ зэв жӧ ичӧтик
шӧрӧм вичмӧдлӧмаӧсь – ста-
выс мунлӧма фронт вылӧ.
Кӧм-паськӧм ротйысьӧма. Но
ӧтчыд удайтчылӧма жӧ
лӧсьыд костюмӧ пасьтасьны –
Америкаысь гуманитарнӧй
отсӧг воӧма вӧлі.

Рӧдвужсьыс Василий
Алексеевичлӧн фронт вылын
вӧлӧмаӧсь батыыс – Алексей
Дмитриевич (юӧртӧг вошӧма),
батыыслӧн вокыс усьӧма жӧ.
Мӧд дядь – Иван Дмитриевич
1945 воӧ воӧма фронт вылысь
дзоньвидзаӧн. Казьтылӧ Васи-
лий Алексеевич, кызди фронт
вылас батыыслы письмӧ гиж-
лӧмаӧсь. Мам пӧ висьталас,
мый гижны, ми сійӧс и гижам.
Носки-кепысь посылкаӧн
мӧдӧдлӧмаӧсь – тайӧ ставыс,
мыйӧн вермӧмаӧсь отсав-
нысӧ.


– Кор казьтыла сійӧ кадсӧ,
син водзӧ пыр сувтӧ серпас:

тшыгъялӧм, пыр вӧлі ыджыд
кӧсйӧм нуръясьыштны. Биыд
абу, солыд абу. Ёна отсавліс
вӧралӧм, не кӧ вӧр-ва, эськӧ
здоровьеыд ёна и жебмис. А
колхозьясыд сӧки ӧдва лолалі-
сны, – казьтылӧ олӧма морт.
Вӧр-вакӧд Василий Алексее-
вич эз янсӧдчыв ыджыд ар-
лыдӧдз. Сиктын пыр кыв-
сьыліс бур вӧралысьӧн.

Казьтылӧ Алексеевич и
Победа лунсӧ. Меным пӧ
сӧки 17 арӧс вӧлі. Ыджыд
Вермӧм йылысь висьталіс
колхозса председатель, соб-
браннӧ вылӧ йӧзӧс
чукӧртліс да. Дерт, быдӧнлы
зэв кыпид вӧлі лов вылас. Но
мый юисны-кодалісны – та
йылысь вертеран оз помнит.
Вичко праздникяс дырйи пӧ
суртӧ юасны, но мед сідзи...
Оз. Паркерӧсысь война вы-
лысь бӧрсӧ воӧмаӧсь 3-4
морт, а мунӧмаӧсь 20 гӧгӧр.

Василий Алексеевичлы
служитны пайыс усьӧма 20
арӧсаӧн. Куим во да джын
служитӧма Белоруссияса
Орша карын, кӧрт туй видзӧ-
маӧсь. 1953 воӧ демобили-
зуйтчӧма да медасьӧма
уджавны Шойнатыса поштаӧ.
Медводз монтӧрӧн, сӧсся,
велӧдчӧма да, участокса на-
чальникӧдз воӧма. Бур
уджысь сетлӧмаӧсь уна гра-
мота да аттьӧалана гижӧд.
Василий Алексеевичлӧн че-
лядьыс кык, внукьясыс
ыджыдӧсь нин, эмӧсь прав-
нукьяс. Ставыс радейтӧны
бать-пӧльсӧ, отсасьӧны.

Сиам Василий Алексее-
вич Панюковлы крепыд
дзоньвидзалун да тыр-бур
олӧм.



**Ме быдта кө ас нэмын өти пу,
И сэк нин менам олөмөй оз кус.**

Ывлалөн мичлуныс бара на корис менө ас дінас...

Төрыт рытсаяныс нин батыкөд сёрнитчим ветлыны кыйсыны. Менам нимкодьюла лы кучикөй лыбис, а сьөлөм вылын мыйкө майшөдліс: оз-ө кыснасьны көсйы нуөдлыны? Но көсйөмөй ыджыджык вөлі майшасьом дорысь. Котөрөн заводиті чукөртны кыйсян эмбур да сёян-юан. Тайө рытнас ковмис водны водз, өд аскиыс лоас сьөкыд да кывкутана. Вольпасьө водөм бөрын дыр на мөвпалі, мый нөшта туйө босьтны, но эг и төдлы, кызди унмовсьөма.

Асывнас, кыаыскөд тшөтш, чеччим водз да мөдім кыснасьны. Вуджим мөдлапөлө да лыа көса пөлөныс мунім вель на ылө, но вис вомө кык час чөж локтөмыс эз кажитчы дырөн. Нопйысь перйим кыйсян көлуй да босьтчим кыснасьны. Чери шедіс бура.

Кыснасьөм бөрын ми шуим неуна шойччыштны. Кер

вылын пукаліг батыкөд нимкодьясим гажа ывланас. Вөрса сынөдыс кыпид, сөстөм, төд вылө вайөдө зэв унатор. Неылын ме казялі мылык вылысь томиник кызд пу, коді вөлі нөрөвтчөма боквылас. Меным сэтшөм жаль лои тайө кыздыс, быттьө сьөлөмөс кодкө чабыртис. Ме пыр жө батылы тшөкті кодйыны сійөс да нуны асланым өшинь улө.

Гортө локтөм бөрын керкасянь кызь воськов ылнаө кодйи неыджыд гу да пукті пусө дзык өшиньяс весьтө. Öти вож кызд пулөн вөлі чегөма, но ме гартышті дойманінсө дөраөн, мед бөр ловзяс. Дерт, тайө томиник нэр пуыс вөлі жебиник, увьясыс вөсньыдик сөнъяс кодьюсь, кодьясөс пашкыртөны тіралысь корьяс. Кажитчө, кутчысян кө пуас, сійө сыркмунас да киссяс вывсьыс став мичлуныс. Но недырөн, өшинь улө вайөм бөрын, пуыс мичаммис да ёнмис. Меным сійө лоис сэтшөм жө мусаөн да донаөн, кызди мамукөй.

Тайө пуыс век на олө менам сьөлөмын: медся мича, пашкыр да джуджыд. Сылөн еджыд да сөстөм увьяс бердө батыө көрталіс чом,

кытчө быд тулыс воывлөны да дзользьөны-гажөдчөны лөсталысь гөна ичөтик лэбачьяс. Но и менам кудриа кыздзөй аспас мичлуннас да сөстөмлуннас гажөдө синмөс. Ме пукала и кыла, кызди асывлун төлыс ньөжйөника шпорөдө веж корьяссө, быттьө чолөмалө локтысь лунсө, ветлысь-мунысьсө. Арнас кызд пу зарниөн лөсталө-сотчө, видзөдан и синтө он вермы вештыны. Нэм чөж кута казътывыны, кызди ме сійөс быдті-лелькуйті.

Аслам олөмын ме унаысь на ветлі батыкөд кыснасьны, но медводз мөвпясыс шогси пу вөсна: оз-ө бара сійөс чегьявны. Кыйсянінысь локтігөн ме пырысь-пыр пу дорө котөрта, сьөлөмсянь киясөн да морөсөн топөдла еджыд коксө. А увьясыс шылькнитасны менсьым юрсиөс, быттьө тшөтш чолөмасьөны мекөд. Та кадө ме мөвпала водзө олөм йылысь: «Öд быдті кө ас нэмын өти пу, и сэк нин менам олөмөй оз кус».

Уна казътылөм на кытшлалө ме гөгөр, но рытъя кыаыс корис пырны гортө. Ыркыдыс шөпкөдчис пель весьтын, көсйис висьтавыны, мый менө виччысьө дона мамукөй. Дерт, сійө төдө менсьым аддзысь-лөмьясөс да бура гөгөрвоө: кызди и быд мортлөн, менам эм вунөдлытөм места, көні быдмө менам вежа пу.

**Иван Макаров,
Шойнаты сикт, Көрткерөс район**



Дасөд классын эм кык ёрт,
Ва весиг оз торйөд.

Кыкнанныс, дерт, зэв бур морт,
Ковмас: ёртсө дорьяс.

Игорь нима өтар друг,
Сергей – шусьө мөдыс.
Öта-мөдлысь бан и гуг,
Бура быдөн төдө.

А кор помасяс урок,
Мунөны спортзалө,
Мачөн ворсіг ки да кок
Зиль вөраса налөн.

Том гижысьяслөн дасөд Гожся университет

«Ловъя кыв», 1 (29) петас

2010 вося лөддза-номъя 30 лун

Адрес: Сыктывкар, Ленин нима улица, 73 керка, Россия Федерацияса финн-йөгра культура шөрин

Редколлегия: Алексей Епанов, Юлия Кочанова, Анна Макарова, Лидия Нестерова, Анна Осипова, Дарья Осипова, Ксения Панюкова, Илья Тарабукин, Юлия Шуйская

Петас вөсна кывкутысь – Павел Симпелев